

Headline	Jemaah haji Malaysia ziarah tempat bersejarah		
MediaTitle	Utusan Malaysia	Color	Full Color
Date	08 Jul 2019	Circulation	107,609
Section	Dlm Negeri	Readership	322,827
Page No	5	ArticleSize	468 cm <sup>2</sup>
Language	Malay	AdValue	RM 9,250
Journalist	N/A	PR Value	RM 27,749
Frequency	Daily		



# Jemaah haji Malaysia ziarah tempat bersejarah



**MOHD RIZWAN MAM**  
MADINAH, ARAB SAUDI

■ MADINAH 7 JULAI

**J**EMAAH haji Malaysia dibawa menziarahi tempat-tempat bersejarah dalam perjuangan Rasulullah dan sahabat mengembangkan agama Islam di sekitar Madinah, termasuk di kawasan Bukit Uhud.

Bukit Uhud yang merupakan kawasan berlakunya Perang Uhud antara umat Islam dan kaum Quraish pada tahun 3 Hijrah merupakan tempat di mana gugurnya Sungai Allah ketika tu, Saidina Hamzah dan 70 syuhada.

Bagi jemaah Malaysia yang ditemui ketika menziarahi perkuburan syuhada di kawasan tersebut, pengalaman dapat sendiri berada di kawasan sejarah perjuangan Rasulullah dan sahabat di Bukit Uhud mampu memberi kesan yang mendalam kepada jiwa mereka.

**Norlalla Abidan@Jaidan** berkata, banyak pelajaran boleh diambil dari kisah perjuangan umat Islam dalam Perang Uhud yang mana ramai tentera Islam shahid dalam mengembangkan agama Islam.

Dalam Perang Uhud, tentera Islam pada awalnya telah memenangi perang tersebut sehingga menyebabkan tentera kafir Quraish terpaksa berundur kerana kebijaksanaan strategi



**JEMAAH** Malaysia dibawa menziarahi perkuburan syuhada tentera Islam yang syahid dalam Perang Uhud di Bukit Uhud, Madinah. - UTUSAN

perang Rasulullah.

Bagaimanapun, atas kelekaan dan kegagalan kumpulan pemahar yang berada di atas salah satu bukit mematuhi arahan Rasulullah agar jangan meninggalkan kawasan tersebut menyebabkan tentera Quraish berjaya melakukan serangan balas.

Ziarah ke Bukit Uhud merupakan sebahagian daripada program ziarah yang diaturkan Tabung Haji untuk jemaah Malaysia yang berada di Madinah, selain dibawa melawat Masjid Quba, Masjid Qiblatain dan Masjid Tujuh.

Bagi **Ruslan Aziz**, dia masih tidak percaya berada di kota suci ketika ini dan berpeluang menziarahi kawasan-kawasan

sejarah berkaitan perjuangan Rasulullah dan sahabat di sekitar kota Madinah.

"Rasa macam tidak percaya, betul ke saya kini berada di tanah suci kerana inilah impian yang telah dinanti-nanti sejak sekian lama," tambah.

Katanya, apa sahaja pelajaran dan pengetahuan yang diperoleh ketika berada di tanah suci perlu dilaksanakan apabila kembali ke tanah air kelak apabila telah berjaya melaksanakan ibadat haji.

Menurut **Mohd. Sahifudin Ahmad** yang merupakan pembimbing ziarah luar, banyak pengajaran boleh diambil dari sejarah Perang Uhud kerana Nabi Muhammad sendiri men-

galami kecederaan teruk ketika itu sehingga ada sahabat menganggap baginda telah wafat.

Katanya, perang yang terbaiki kepada tiga fasa itu iaitu fasa pertama umat Islam menang, fasa kedua ditewaskan dan ketiganya fasa apabila tentera Islam kemudiannya mengejar tentera Quraish yang tidak dapat memasuki kota Madinah.

Bagaimanapun, pelajar Malaysia yang sedang mengikuti pengajian di Universiti Madinah itu berkata, jemaah Malaysia tidak perlu melakukan perkara-perkara khurafat ketika mengunjungi tempat-tempat bersejarah seperti mengambil batu, tanah dan sebagainya untuk dibawa pulang. - UTUSAN